

REMITIDO

Quo Vadis Fundacion Universidad di Aruba

Siman pasa cu poco asombro mi a leza cu pronto Universidad di Aruba (Gobierno) lo habri su portanan y segun e "Nota van Wijziging" di e Landsbesluit awor encuanto e universidad, cualkier instituto cu haci uzo di

e nomber aki por haya su mes dilanti un huez civil. Similarmente, Ministro di Husticia Watty Vos y Ministro di Bienestar General mr. Mirto Croes ta comparti e pensamiento cu dos instituto cu e mesun nomber lo

por percura pa confusion.

Den e reciente Nota van Wijziging di e Landverordening aki Gobierno a agrega cu e universidad cu lo cuminsa funciona otro luna ta e unico cu por uza e nomber di "Universiteit van

Aruba" of traduccion di esaki den cualkier otro idioma. Pues, esaki por nifica cu si e instituto di Brown cu legalmente ta existi ya pa 18 aña, despues cu e landsverordening aki drenta na vigor, sigui uza e nomber

Universidad di Aruba, lo e ta actuando contra ley segun e articulo den prensa, y consecuentemente actua ilegal.

Como cu e topico aki ta hopi interesante pa nos comunidad, mi kier agrega lo siguiente na interes general y no contra ni na ningun entidad specifico. E Fundacion original "Arubaanse Handelsschool" (Aruba Commercial School) a ser estableci na Aruba dia 23 Februari 1956. Un acto notarial a tuma lugar dia 25 di Juli, 1970, esta 18 aña, ano e fundacion a cambia e nomber pa Fundacion Universidad di Aruba, pues segun acuerdo cu ley vigente te awe.

Aki por mira cu dr. Isidore Carlin Brown a lanta un school comercial, pero cu a bira e Fundacion Arubaanse Handelsschool na 1956, y a ser amenda via un Notario como e Fundacion Universidad di Aruba na 1970. E Universidad di Aruba aki ta ser opera cu su board of Trustees y un Board of Directors. Nota existi ningun instituto di brown mas, pero mas bien un otro integridad total.

Como cu e Universiteit van Aruba di Gobierno lo cuminsa funciona dia 9 September proximo cu mas di 40 estudiante inscribi, mientras e fundacion Universidad di Aruba na San Nicolas cu su promedio di 50 estudiante actualmente den plena funcion legalmente segun ley ya pa 18 aña, lo ta interesante pa mira pakico un otro universidad cu e mesun nomber, qui paso lo tuma, door di ken, con, cu qui meta y ademas pakico cu tur e consecuencia eventual cu nos educacion. Quico lo sosode cu e reconocimiento di e Fundacion Universidad di Aruba actual tur rond di mundo?

Wilhelm Bill Geerman